

# Adnodd cefnogi ar gyfer addysgu gwyddoniaeth gynradd drwy gyd-destunau cynaliadwyedd

## Sut mae ei defnyddio?

Does dim ffordd gywir neu anghywir o ddefnyddio'r gweoedd cynaliadwyedd. Rydym yn argymhell i ffyrrd canlynol o'u defnyddio:

### 1 Eich cefnogi i addysgu gwyddoniaeth drwy ddefnyddio cyd-destunau cynaliadwyedd

Os ydych chi'n ystyried y gweoedd cynaliadwyedd gyda'ch pwnc gwyddoniaeth dan sylw, bydd y gweoedd yn amlygu dau gyd-destun cynaliadwyedd posibl, yn awgrymu gweithgareddau y gallech chi roi cynig arnyn nhw yn yr ystafell ddosbarth ac yn cynig dolenni defnyddiol at ragor o wybodaeth.

### 2 Eich helpu i gynllunio ffocws ysgol gyfan neu grŵp blwyddyn gyfan ar gynaliadwyedd

Os ydych chi'n bwriadu canolbwyntio ar gynaliadwyedd, gall y gweoedd roi syniadau i chi ynglŷn â chyd-destunau cynaliadwyedd a gweithgareddau diddorol ar draws gwahanol grwpiau oedran. Byddan nhw'n cysylltu â phynciau'r cwricwlwm mewn gwyddoniaeth, ond hefyd yn awgrymu mannau cychwyn ar gyfer ymarfer sgiliau llythrennedd, rhifedd, DT a TG.

**Pa bynnag ffordd y byddwch yn ystyried y gweoedd, rydym yn argymhell defnyddio'r cyd-destunau fel bachyn neu angor mewn pwnc.**

Bachyn neu angor yw lle mae'r syniad yn cael ei ddefnyddio i gyflwyno'r pwnc mewn ffordd ystyrlon. Yn ystod y wers, pan fydd y plant yn gweld y cysylltiad am y tro cyntaf, byddan nhw'n cael cyd-destun ystyrlon ar gyfer y pwnc gwyddoniaeth maen nhw'n dysgu amdano. Gall hefyd ddatblygu eu syniadau yngylch cynaliadwyedd a mwya o ymwybyddiaeth amgylcheddol. Gallwch ddefnyddio'r cyd-destunau hyn i ddatblygu eu sgiliau gweithio mewn ffordd wyddonol, yn ogystal â chodi ymwybyddiaeth o ble mae gwyddonwyr yn cael effaith ystyrlon wrth fynd i'r afael â materion sy'n ymwnaed â chynaliadwyedd.

## Beth ydy hyn?

Mae'r gweoedd cynaliadwyedd wedi'u dylunio i'ch helpu chi i gysylltu eich darpariaeth addysgu bresennol ar gyfer y cwricwlwm â materion cynaliadwyedd. Mae gan bob gwe ddau gyd-destun cynaliadwyedd gwahanol y gallwch chi eu defnyddio sy'n seiliedig ar yr un pwnc gwyddonol. Awgrymir ystod oedran ar gyfer pob gwe hefyd: 4-7 oed, 7-9 oed neu 9-11 oed.

Mae pob gwe cynaliadwyedd wedi'i dylunio i roi trosolwg sydyn i chi o sut gellir cysylltu cyd-destunau cynaliadwyedd â'r pwnc gwyddonol ac i gynnig gweithgareddau penodol y gallwch chi eu gwneud gyda'ch dosbarth. **Nid yw'n darparu cynlluniau gwersi manwl.**

Mae'r gweoedd yn amlygu cyfleoedd i ymarfer llythrennedd a rhifedd yn ogystal â sgiliau gwyddonol ehangach, DT a TG.

## Beth yw pwrpas pob adran?

Mae pob gwe yn cael ei rhannu i'r adrannau canlynol:

